

ქ. თბილისი

შ.პ.ს. „გლობალ კონტაქტ კონსალტინგი“ (შემდგომში „ტელეკომპანია“ და/ან „შემსრულებლად“ წოდებული), მისი დირექტორთა საბჭოს თავმჯდომარის დავით კაპანაძის სახით, ერთის მხრივ და მეორეს მხრივ საქართველოს განათლებისა და მეცნიერების სამინისტრო მისი მინისტრის მოადგილის გიორგი ჩახნაშვილის სახით, „სახელმწიფო შესყიდვის შესახებ“ საქართველოს კანონის მე-3 მუხლის პირველი პუნქტის ს1 ქვეპუნქტის საფუძველზე, აპარატის დაფინანსების ფარგლებში, ვდებთ წინამდებარე ხელშეკრულებას, რომლითაც გათვალისწინებულია შემდეგი:

ტერმინთა განმარტებები:

წინამდებარე ხელშეკრულებაში გამოყენებულ ტერმინებს გააჩნიათ შემდეგი მნიშვნელობა:

„ტელეკომპანია“ – შეზღუდული პასუხისმგებლობის საზოგადოება „გლობალ კონტაქტ კონსალტინგი“, რომელიც წინამდებარე ხელშეკრულების საფუძველზე, როგორც შემსრულებელი, „აბონენტს“ აწვდის სატელევიზიო სიგნალს.

„აბონენტი“ – ფიზიკური ან იურიდიული პირი, რომელიც წინამდებარე ხელშეკრულების საფუძველზე, როგორც დამკვეთი, უფლებამოსილია მიიღოს „სატელევიზიო მომსახურება“.

„სატელევიზიო მომსახურება“ – „აბონენტისათვის“ „ტელეკომპანიის“ მიერ სატელევიზიო სიგნალის მიწოდება ქსელის დაფარვის ზონაში.

„სააბონენტო გადასახადი“ – კალენდარული თვის განმავლობაში „ტელეკომპანიის“ მიერ „აბონენტისათვის“ წინამდებარე ხელშეკრულების საფუძველზე გასაწევი მომსახურების საფასური. ცალკეული სახეობების (პაკეტების) საფასურის განაკვეთები განისაზღვრება „ტელეკომპანიის“ პრეისკურანტებით.

„მოწყობილობა“ – საჭიროების შემთხვევაში რესივერი, თავაკი, მიმღები ანტენა და სხვა, რომელიც რეკომენდირებულია ტელეკომპანიის მიერ და საჭიროა ტელეკომპანიის მომსახურების მისაღებად.

„რესივერი“ – ციფრული მოწყობილობა, რომელიც აკავშირებს სიგნალის მიმღებ ანტენას მომხმარებლის ტელევიზორთან და ახდენს სატელევიზიო არხების გადაცემას.

„დეკოდერი“ – სისტემასთან მიერთების ელექტრონული ბარათი (ციფრული ტელევიზიის ინდივიდუალური მიღების ტექნიკური ელემენტი), რომელიც აძლევს შესაძლებლობას მის მფლობელს აქტივაციის შემდეგ მიუერთდეს სისტემას და მიიღოს ციფრული ტელევიზიის პაკეტი, იმ პერიოდის განმავლობაში, რომლის დირექტორების საფასურიც მას გადახდილი აქვს.

„ხელშეკრულება“ – ხელშეკრულების დადებისა და „მოწყობილობის“ „აბონენტისათვის“ დროებით სარგებლობაში გადაცემის დამადასტურებელი დოკუმენტი, რომელიც ამასთან ასახავს „აბონენტის“ შესახებ მონაცემებს, „აბონენტისთვის“ მინიჭებული საანგარიშსწორებო კოდს და სატელევიზიო მომსახურების სახეობას.

„სისტემასთან მიერთება – გააბონენტება“ – აბონენტის სისტემასთან ურთიერთობის ტექნიკური საშუალება, რომელიც ახდენს აბონენტის ავტორიზაციას და აძლევს მას „ტელევიზიის მომსახურების“ მიღების შესაძლებლობას.

„ციფრული პაკეტი“ – ციფრული სიგნალი, რომელიც წარმოადგენს ღია და დახურული ტელევიზიის პროგრამების ერთობლიობას, რომელთაგანაც აბონენტის დაშვება ხდება აღნიშნული ხელშეკრულების საფუძველზე.

„მომსახურება“ – ტელევიზიის საქმიანობა, რომელიც დაკავშირებულია სისტემასთან მიერთების ორგანიზებასთან-გააბონენტებასთან და უზრუნველყოფს ციფრული პაკეტის ინდივიდუალური მიღების შესაძლებლობას.

1. ხელშეკრულების საბანო

1.1. „შემსრულებელი“ „დამკვეთს“ გაუწევს სატელევიზიო სიგნალის მიწოდების მომსახურებას ქსელის დაფარვის ზონაში, ასევე დროებით სარგებლობაში გადასცემს „რესივერს“ იმ წესითა და პირობით, რომლებიც განსაზღვრულია წინამდებარე ხელშეკრულებით, 2012 წლის 31 იანვრის ჩათვლით.

1.2. მომხმარებელი გააბონენტებისთვის – სისტემასთან მიერთებისთვის იხდის თანხას, რაც აისახება ხელშეკრულებასთან თანდართულ მიღება-ჩაბარების აქტში. მიღება-ჩაბარების აქტი წარმოადგენს ხელშეკრულების განუყოფელ ნაწილს დანართი №1-ის სახით.

1.3. მომხმარებელი იღებს ვალდებულებას დროულად და სრულად მოახდინოს გაწეული მომსახურების საფასურის გადახდა, წინააღმდეგ შემთხვევაში დამკვეთს ყოველ გადაგადაცილებულ დღეზე დაეკისრება საურავი გადასახდელი თანხის 0,1%-ის ოდენობით.

1.4. ამ ხელშეკრულებით დადგენილი ნებისმიერი ჯარიმა და პირგასამტეხლოს გადახდის ვალდებულება დამკვეთს წარმოეშობა მხოლოდ მას შემდეგ, რაც სანქციის უფლების გამოყენების შესახებ კომპანიის უფლებამოსილი წარმომადგენელი წერილობით შეატყობინებს მას.

1.5. სატელევიზიო სიგნალი დამკვეთს მიეწოდება მხარეებს შორის წინასწარ განსაზღვრულ მისამართზე:

2. მომსახურების გაწევის წესი

2.1. მხარეები თანხმდებიან რომ სატელევიზიო სიგნალის განხორციელებისათვის შემსრულებლის მიერ დამკვეთისათვის გადაცემული „რესივერი“ წარმოადგენს შემსრულებლის საკუთრებას.

2.2. მხარეები თანხმდებიან, რომ ყველა პრეტენზია დაკავშირებული წინამდებარე ხელშეკრულების შეუსრულებლობასთან შემსრულებლისთვის წარდგენილი იქნება წერილობით, წინააღმდეგ შემთხვევაში შემსრულებელი იტოვებს უფლებას მის მიერ მიწოდებული მომსახურება განიხლოს უნაკლოდ.

3. ხელშეკრულების ფასი

3.1. ხელშეკრულების ფასი შეიცავს ყველა ხარჯს, რომელიც წარმოდგენილია კალკულაციის ან/და მიღება-ჩაბარების აქტით.

3.2. ხელშეკრულების ღირებულება შეადგენს 120.0 (ასოცი) ლარს.

3.3. ხელშეკრულების ფასი შესაძლოა გადაისინჯოს კანონმდებლობაში შესული ცვლილებების და დამატებების მიღების შემთხვევაში.

4. მხარეთა უფლება-მოვალეობანი

4.1 „დამკვეთი“ კისრულობს ვალდებულებას:

4.1.1. დაიცვას ყველა ის პირობა, რომელიც გაწერილია ამ ხელშეკრულებით.

4.1.2. დაიცვას მიმღები მოწყობილობის ექსპლუატაციის პირობები. უნებართვოდ თვითნებურად არ გადაადგილოს მიმღები ანტენა.

4.1.3. წინამდებარე ხელშეკრულების შეწყვეტის შემთხვევაში დაუბრუნოს „რესივერი“ „ტელეკომპანიას“.

- 4.1.4. არ დაუშვას „სატელევიზიო პაკეტი“-ს „ტელეკომპანიის“ თანხმობის გარეშე მესამე პირისათვის მიწოდება. აგრეთვე არ დაუშვას „სატელევიზიო პაკეტი“ -ს ხელახლა რეტრანსლაცია, ჩაწერა, გადაწერა, საჯარო ჩვენება, დუბლიკატის ან ასლის გადაღება მათი კომერციული მიზნებისათვის გამოსაყენებლად. ამ პუნქტის მოთხოვნის დარღვევის შემთხვევაში „დამკვეთი“, დარღვევის სრულად გამოსწორებამდე „შემსრულებელს“ ყოველთვიურად გადაუხადის 5000 ხუთი ათასი) აშშ დოლარის ექვივალენტს ლარებში.
- 4.1.5. არ გაასხვისოს, არ გააჩუქოს, არ გააქირავოს, არ დააგირავოს და უფლებრივად სხვაგვარად არ დატვირთოს მიმღები მოწყობილობა.
- 4.1.6. დამკვეთი ვალდებულია აანახლაუროს მოწყობილობის დაზიანებით გამოწვეული დამატებითი სამუშაოების ჩატარების ხარჯები.

4.2. „ტელეკომპანიას“ უფლება აქვს:

- 4.2.1. შეუჩეროს მომსახურება დამკვეთს გაფრთხილების გარეშე მომსახურების საფასურის გადაუხდელობის და/ან ხელშეკრულების პირობების დარღვევის ან არაჯეროვნად შესრულების გამო.
- 4.2.2. დამოუკიდებლად განსაზღვროს ამა თუ იმ მოქმედების განხორციელების აუცილებლობა რეტრანსლაციის პერიოდში, რის შესახებაც აცნობებს „დამკვეთს“.
- 4.2.3. შეწყვიტოს ცალკეული სატელევიზიო პროგრამის ან მთელი არხის რეტრანსლაცია თუ შეიზღუდება ამ არხის (პროგრამების) მაუწყებლობა საქართველოს მთელ ტერიტორიაზე ან მის რომელიმე ცალკეულ ნაწილში.
- 4.2.4. შეწყვიტოს არხის რეტრანსლაცია თუ, კომპანიას უფლებების მფლობელი კომპანიისაგან აღარ ექნება გადაცემების რეტრანსლაციის უფლება, ან/და სხვაგვარად შეწყდება კომპანიასა და უფლების მფლობელ კომპანიას შორის არსებული სამართლებრივი ურთიერთობა. ასეთ შემთხვევაში „კომპანია“ შეწყვეტილ არხს ჩაანაცვლებს იგივე თემატიკის სხვა არხით.
- 4.2.5. „კომპანიას“ უფლება აქვს სატელევიზიო ქსელში გააკეთოს ინფორმაცია სატელევიზიო პაკეტში შემავალი ტელეარხების ცვლილების შესახებ. აღნიშნული წესი არ ვრცელდება ტექნიკური მიზეზებით გამოწვეული დროებითი ჩაანაცვლების შემთხვევაში.
- 4.2.6. იმ შემთხვევაში თუ დამკვეთი თავად გამოთქვამს სურვილს სატელევიზიო პაკეტში ცვლილების შეტანის თაობაზე, მხარეების მხრიდან ხელახლა გადაიხედება უკვე არსებული ტარიფები და მოყვნილ იქნება ისინი შეცვლილ გარემოებებთან შესაბამისობაში.
- 4.2.7. სამაუწყებლო პაკეტის ცვლილების სურვილის შემთხვევაში დამკვეთი ვალდებულია წერილობით აცნობოს შემსრულებელს სასურველი პაკეტის დასახელება.
- 4.2.8. „კომპანია“-ს უფლება აქვს გათიშოს აბონენტი თუ იგი ცდილობს კომპანიის შეცდომაში შეყვანას ან არღვევს 4.1.4. პუნქტით გათვალისწინებულ პირობას.
- 4.2.9. უხეშობის ან არაკორექტული მოქმედების დროს კომპანია უფლებას იტოვებს გათიშოს აბონენტი.
- 4.2.10. მიმღები მოწყობილობის შემდგომი რეგულირების ან/და დამატებითი მომსახურების შემთხვევაში თანხის გადაუხდელობის დროს „ტელეკომპანია“ იტოვებს უფლებას შეუჩეროს მაუწყებლობა „აბონენტს“ შეუნარჩუნოს „სააბონენტო გადასახადი“ დეპოზიტზე და დამატებითი მომსახურების საფასურის გადახდის შემდეგ განუახლოს მაუწყებლობა.
- 4.2.11. თუ „ტელეკომპანიის“ მიერ აღმოჩენილი იქნება „დამკვეთის“ მიერ „ციფრული პაკეტის“ გამრავლების ფაქტი (ვიდეოსენდერების გამოყენების გარდა), „დამკვეთს“ ეკისრება ვალდებულება „კომპანიის“ სასარგებლოდ გადაიხადოს ჯარიმა 5000 (ხუთი ათასი) ლარის ოდენობით.
- 4.3. „ტელეკომპანია“ კისრულობს ვალდებულებას ხელშეკრულების მოქმედების განმავლობაში უზრუნველყოს ქსელის დაფარვის ზონაში სატელევიზიო სიგნალის მიწოდება.

5. ანბარიშუქობა მხარეთა შორის

- 5.1 „დამკვეთი“ ვალდებულია აწარმოოს ანგარიშსწორება „კომპანიასთან“ წინამდებარე ხელშეკრულებით გათვალისწინებული წესითა და პირობებით.
- 5.2 „კომპანია“ ვალდებულია მიაწოდოს „დამკვეთს“ საგადასახადო დოკუმენტაცია და მიღება-ჩაბარების აქტი მომსახურების დასრულებიდან 10 დღის ვადაში.
- 5.3 „დამკვეთი“ ვალდებულია გადაიხადოს სააბონენტო მომსახურების გადასახადი წარმოდგენილი საგადასახადო დოკუმენტაციის საფუძველზე, მიღება-ჩაბარების აქტის გაფორმებიდან 10 დღის ვადაში.

6. შორს-მაჟორი

- 6.1 მხარეები თავისუფლდებიან პასუხისმგებლობისაგან, ვალდებულებების სრული ან ნაწილობრივი შეუსრულებლობისათვის, თუკი ეს გამოწვეული იყო დაუძლეველ ძალთა გარემოებათა გამო;
- 6.2 დაუძლეველი ძალა ნიშნავს ისეთ გარემოებას, რომელიც წარმოიშვა მხარეთა ნების გარეშე და რომლის დადგომის და მოქმედების კონტროლი აღემატება მხარეთა გონივრულ შესაძლებლობებს, კერძოდ მოიცავს (მაგრამ არ შემოიფარგლება) სტიქიურ უბედურებებს, ომსა და საომარ მოქმედებებს, სამოქალაქო არეულობებს; სამთავრობო ორგანოების მოქმედება, დაკავშირებული საკანონმდებლო აქტების მიღებასა და ცვლილებასთან, რომლებიც აუარესებენ წინამდებარე ხელშეკრულების სუბიექტების სამართლებრივ სტატუსს და რეჟიმს;
- 6.3 სასამართლოების გადაწყვეტილებები (განჩინებები), ადგილობრივი და ცენტრალური მმართველობის ორგანოების გადაწყვეტილებები, დადგენილებები, სხვა საკანონმდებლო და ადმინისტრაციული აქტები, ყველა იმ სახის ქმედებები, მათ შორის საქართველოს სამოქალაქო კოდექსით გათვალისწინებული ხელშეკრულებების მოშლის პატივსადები მიზეზები, რომლებიც ზემოთხსენებული ქმედებების მსგავსად შეუძლებელს გახდიან მხარეთა მიერ ნაკისრი ვალდებულებების შესრულებას;
- 6.4 თუ ნებისმიერი ზემოთხსენებული გარემოება გავლენას იქონიებს ხელშეკრულებით ნაკისრი ვალდებულებების შესრულების ვადებზე, მაშინ ეს ვადები ამ გარემოებების მოქმედების დროს თანაბარზომიერად გაიზრდება;
- 6.5 მხარე, რომლისთვისაც ფორს-მაჟორული გარემოებების დადგომის გამო შეუძლებელი შეიქმნა ვალდებულებების შესრულება, ვალდებულია დაუყოვნებლივ, მაგრამ არაუგვიანეს 1 თვისა ამ გარემოებების დადგომიდან და დასრულებიდან, წერილობით აცნობოს მეორე მხარეს;
- 6.6 შეტყობინებაში მითითებული ფაქტები დადასტურებული უნდა იქნას კომპეტენტური ორგანოს მიერ. დადასტურება არ არის საჭირო, თუ აღნიშნული ფაქტები ცნობილია საზოგადოდ;
- 6.7 თუ დაუძლეველი ძალის მოქმედება გრძელდება ორ თვეზე მეტ ხანს, მხარეებმა უნდა გადაწყვიტონ ხელშეკრულების ბედი. თუ მხარეები ვერ მიაღწევენ კომპრომისულ შეთანხმებას, დავას განიხილავს სასამართლო.

7. მხარეთა პასუხისმგებლობა

- 7.1. ერთ-ერთი მხარის მიერ ნაკისრი ვალდებულებების შეუსრულებლობის ან არაჯეროვნად შესრულების შემთხვევაში, ზიანის მიმყენებელი მხარე დაზარალებულ მხარეს დამდგარ ზიანს აუნაზღაურებს საქართველოს მოქმედი კანონმდებლობით დადგენილი წესით.
- 7.2. „შემსრულებელი“ არაა პასუხისმგებელი „სატელევიზიო მომსახურების“ შემადგენლობაში შემავალი სატელევიზიო არხების, ცალკეული სატელევიზიო გადაცემების, თუ აუდიოვიზუალური ნაწარმოებების შინაარსის მართლზომიერებაზე.
- 7.3. რომელიმე მხარის სურვილით ხელშეკრულების შეწყვეტის წინამდებარე ხელშეკრულებით გათვალისწინებული „რესივერის“ დაუბრუნებლობის შემთხვევაში

„დამკვეთი“ ვალდებულია გადაუხადოს „შემსრულებელს“ 200 (ორასი) აშშ დოლარის ექვივალენტი ლარებში.

7.4. „რესივერის“ როგორც საკუთრივ ისე მესამე პირების მხრიდან დაკარგვის, ნებისმიერი სახის დაზიანების და მწყობრიდან გამოსვლის შემთხვევაში (განზრახ ან გაუფრთხილებლობით) „დამკვეთს“ ესკისრება ვალდებულება გადაუხადოს „შემსრულებელს“ შესაბამისად: შეკეთების ხარჯები, ხოლო თუ რესივერი არ ექვემდებარება აღდგენას გადაუხადოს „რესივერის“ ღირებულება.

7.5. იმ შემთხვევაში თუ დამკვეთს 2 (ორ) თვეზე მეტი პერიოდის განმავლობაში გათიშული აქვს რესივერი და მოისურვებს მის ხელახალ აქტივაციას, იგი ვალდებულია გადაიხადოს ხელახალი აქტივაციის ღირებულება 10 (ათი) ლარის ოდენობით.

7.6. დამკვეთის მხრიდან რესივერის სამ თვეზე მეტი პერიოდით გათიშვის შემთხვევაში, ტელეკომპანია იტოვებს უფლებას მოსთხოვოს დამკვეთს მისთვის დროებით სარგებლობაში გადაცემული რესივერის უკან დაბრუნება, ხოლო თუ დამკვეთი არ ან ვერ აბრუნებს რესივერს გადაიხადოს რესივერის ღირებულება.

7.7. ყველა პრეტენზია ან/და შენიშვნა დაკავშირებული სატელევიზიო მომსახურების ხარისხთან, „აბონენტის“ მიერ „ტელეკომპანიისათვის“ წარმოდგენილი უნდა იქნეს წერილობით. დაზიანების არსებობის შემთხვევაში ტექნიკოსთან დაკავშირება უნდა მოხდეს მხოლოდ შემდეგ ცხელი ხაზის ნომერზე. ტელ: 94-27-15 ან 94-27-27. წინააღმდეგ შემთხვევაში „ტელეკომპანია“ იტოვებს უფლებას მის მიერ „აბონენტისათვის“ მიწოდებული მომსახურება განიხილოს უნაკლოდ.

8. ხელშეკრულების მოქმედების ვადა

8.1. წინამდებარე ხელშეკრულება ძალაში შედის მხარეთა მიერ მისი ხელმოწერის დღიდან და ძალაშია 2012 წლის 20 თებერვლამდე.

8.2. მხარეები უფლებამოსილნი არიან ურთიერთ შეთანხმების საფუძველზე შეწყვიტონ ხელშეკრულება. ხელშეკრულების შეწყვეტის შესახებ ინიციატორი მხარე ვალდებულია წერილობით აცნობოს აღნიშნულის შესახებ კონტრაქტს 14 (თოთხმეტი) კალენდარული დღით ადრე.

8.3. „დამკვეთის“ მხრიდან ხელშეკრულების ვადამდე შეწყვეტის შემთხვევაში იგი ვალდებულია, პირგასამტეხლოს სახით გადაუხადოს „შემსრულებელს“ სააბონენტო გადასახადის ღირებულების ორმაგი ოდენობა.

9. დავის გადაწყვეტა

9.1. წინამდებარე ხელშეკრულებიდან წარმოშობილი ნებისმიერი დავა მხარეებმა უნდა გადაწყვიტონ ურთიერთშეთანხმების საფუძველზე.

9.2. თუ დავის წარმოშობის შემთხვევაში მხარეები ვერ შეთანხმდნენ, დავა გადაწყდება საქართველოს საერთო სასამართლოების მეშვეობით.

10. დასკვნითი დებულებანი

10.1. მხარეები ხელშეკრულებაზე ხელმოწერით ადასტურებენ, რომ წინამდებარე ხელშეკრულება არ შეიცავს ბუნდოვან დებულებებს და რომ ისინი სრულად გაეცნენ და მიიღეს აღნიშნული პირობები.

10.2. საკითხები, რომლებიც არ არის განსაზღვრული წინამდებარე ხელშეკრულებით წესრიგდება მოქმედი კანონმდებლობით.

10.3. წინამდებარე ხელშეკრულებაში ცვლილებების შეტანა დაიშვება მხოლოდ მხარეთა წერილობითი შეთანხმების საფუძველზე. ცალმხრივად შეტანილ ცვლილებებს იურიდიული

ძალა არ გააჩნიათ. ცვლილებებისა და დამატებების ხელმოწერის შემდეგ ისინი ითვლებიან წინამდებარე ხელშეკრულების განუყოფელ ნაწილად.

10.4 ხელშეკრულების ხელმოწერიდან ნებისმიერ დროს ამ ხელშეკრულების რომელიმე დებულების ძალადაკარგულად ცნობა საკანონმდებლო ცვლილებების, სასამართლოს გადაწყვეტილებების ან სხვა გარემოებების საფუძველზე, არ იქონიებს გავლენას წინამდებარე ხელშეკრულების სხვა დებულებების ნამდვილობაზე. მხარეები კისრულობენ ვალდებულებას, ასეთ შემთხვევაში კეთილსინდისიერად აწარმოონ მოლაპარაკებები რათა ხელშეკრულებაში შეტანილ იქნას ისეთი ცვლილებები, რომლებიც შეძლებისდაგვარად შეინარჩუნებს მხარეთა თავდაპირველ მიზანს.

10.5 ხელშეკრულება შედგენილია ქართულ ენაზე, თანაბარი იურიდიული ძალის მქონე 3 (სამი) იდენტურ ეგზემპლარად, თითო ყოველი მხარისთვის.

11. მხარეთა რეკვიზიტები

<p>“შემსრულებელი”:</p> <p>შ.პ.ს “გლობალ კონტაქტ კონსალტინგი” მისამართი: 0102 ქ. თბილისი, დავით აღმაშენებლის გამზირი №89/24, მე – 10 სართული. საკონტაქტო ტელეფონები: 94-27-27, 94-27-15; ფაქსი:94-07-77; ელ-ფოსტა: info@globaltv.ge საიდენტიფიკაციო კოდი: №204952275.</p> <p>ს.ს. “ბაზის ბანკი” ბანკის კოდი: CBASGE22, ა/ა GE03BS0000000022536022</p> <p>დირექტორთა საბჭოს თავმჯდომარე:</p> <p>/დავით კაპანაძე/</p>   <p>/...../ /...../ 2012წ.</p>	<p>„დამკვეთი“:</p> <p>საქართველოს განათლებისა და მეცნიერების სამინისტრო მისამართი : ქ. თბილისი, უზნაძის ქ. №52 საკონტაქტო ტელეფონი: 318940 საიდენტიფიკაციო კოდი: 202051224</p> <p>სახელმწიფო ხაზინა კოდი: 220101222 ა/ა 200122900;</p> <p>მინისტრის მოადგილე:</p> <p>/გიორგი ჩახნაშვილი/</p>   <p>/...../ /...../ 2012წ.</p>
---	---

